



中興以來絕妙詞選卷之五

宋詞

劉德脩

名光祖號後溪蜀之名士
有鶴林文集小詞附焉

鵲橋仙 留別

相逢一笑又成相避南鴈歸時霜透明朝人在短亭
西看舞袖雙行酒○歌聲此處秋聲何處幾度亂
愁搔首如何不寄一行書有萬緒千端別後

昭君怨 別恨

人在醉鄉居住記得舊曾來去踈雨聽芭蕉夢魂遙

○惆悵柳烟何處目送落霞江浦明夜月當樓照人
愁

江城子 梅花

十分雪意却成霜暮雲黃月微茫只有梅花依舊吐
幽芳還喜無邊春信漏疎影下覓浮香○才清端是
紫薇郎別鶴行憶宮墻夜半胡爲人與月交相君合
召歸吾老矣月隨去照西廂

洞仙歌 荷花

晚風收暑小池塘荷淨獨倚胡床酒初醒起徘徊時
有香氣吹來雲藻亂葉底游魚動影○空擎承露蓋

不見冰容惆悵明粧曉鴛鏡後夜月涼時月淡花低
幽夢竟欲憑誰省且應記臨流凭闌干便遙想江南
紅酣千頃

長相思 別意

玉樽涼玉人涼若聽離歌須斷腸休教成鬢霜○画
橋西画橋東有淚分明清漲同如何留醉翁

水調歌頭 旅思

客夢一回醒三度碧梧秋仰看今夕天上河漢又西
流早晚涼風過鴈驚落空堦一葉急雨鬧清溝歸計
休令暮宵露浥征裘○古來今生老病許多愁那堪

更說無限功業鏡中羞只有青山高致對此還論世
事舉白與君浮送我一盃酒誰起舞涼州

臨江仙春思

小院回廊春寂二晚來獨自閑行畫簾東畔碧雲生
也知無雨空滴枕邊聲○一簇小桃開又落低頭拾
取紅英東風相送忘相迎梨花寒食到得錦宮城

臨江仙自詠

我似萬山千里外悠然一片歸雲官銜猶自帶云二
誰知於進士已是故將軍閑坐閑行閑飲酒閑拈閑
字閑文諸公留我笑紛二一枝簪寶髻六幅舞羅裙

踏莎行春暮

掃徑花零閉門春晚恨長無柰東風短起來消息探
荼蘼雪條玉蘂都開遍○晚月蒐清夕陽香遠故山
別後誰拘管多情於此更情多一枝嗅罷還重撚

醉落魄春日懷故山

春風開者一時還共春風謝柳條送我今槐夏不飲
香醪孤負人生也○曲塘泉細幽琴寫胡床滑篔簹應
無價日遲睡起簾鈎挂何不歸欵花竹秀而野

李子大

名洪家世同登桂籍躋旣仕號淮甸儒
族子大其弟漳泳淦泐皆以文鳴有李

氏花萼詞五卷其姪直倫為之序廬陵人

念奴嬌曉起觀落梅

麗譙吹角漸疎星明澹簾篩殘月媚
霜飈欺翠袖
飛下一庭香雪半面粧新迴風舞因此况真竒絕枕
椰林裏蘇仙偏感華髮○休怨時暫飄零玉堂清夢
不惹閑蜂蝶好似王家叢竹畔乘興山陰時節剪水
無情閨風歸去恐使芳心歇和羹有待恁時身到天

闕

李子清

名漳

鵲橋仙七夕

迢二郎意盈二妾恨今夕鵲橋欲度世間兒女一何
癡鬪乞巧紛二無數○遙知此際有人孤坐心切天
街雲路好因緣是惡因緣夢魂遠陽臺雨暮

桃源憶故人 閨情

小樓簾捲闌干外花下朱門半啓中有傾城佳麗一
笑西風裏○盈二臨水情難致盡日相看如醉乾鵲
不知人意只管聲二喜

李子永

名詠

賀新郎 感舊

門掩長安道捲重簾垂楊散暑嫩涼生早午夢驚回
 庭陰翠蝶舞鶯吟未了政露冷芙蓉池沼金鴈塵昏
 么絃斷理餘音尚想腰支裊歡漸遠思還繞○臨臯
 望極滄江渺晚潮平湘烟萬頃斷虹殘照絲舫凌波
 分飛後別浦菱花自老問錦鯉何時重到樓迥層城
 看不見對瀟瀟暮雨憐芳草幽恨闊楚天杳

李子召

名注

滿庭芳 送張守漢卿赴召

麥秀連雲桑枝重綠史君佳政流傳鳳銜丹詔來自
 九重天千里歡騰祖帳棠陰外多少攀轅津亭路統
 如五鼓難駐鄧侯船○光華家世事門中列戟圯上
 遺編况建炎勲業畫凌烟此去朝端濟美看平步
 兩台躔須知道中興盛治 主聖賴臣賢

李子秀

名淵

踏莎行 送新城交代李達善

紅藥香殘綠筠粉嫩春歸何處尋春信綉鞍初上馬
 蹄輕舉頭便覓長安近○別酒無情啼粧有恨山城

向晚斜陽褪清江極目帶寒烟錦鱗去後憑誰問

劉改之

名過太和入稼軒之客王簡卿侍郎嘗

贈以詩云觀渠論到前賢處據我看來

近世無其詞多壯語蓋學稼軒者也号龍洲道

人

賀新郎 懷舊

老去相如倦問文君說似而今怎生消遣衣袂京塵
曾染處空有香紅尚軟料彼此竟消腸斷一枕新涼
眠客舍聽梧桐疎雨秋聲顫灯暈冷記初見○樓低
不放珠簾捲晚粧殘翠鈿狼藉淚痕凝臉入道愁來

須殢酒無柰愁深酒淺但寄興焦琴統扇莫鼓琵琶
江上曲怕荻花楓葉俱悽怨雲萬疊寸心遠

賀新郎 遊西湖

睡覓啼鶯曉醉西湖兩峰日一買花簪帽去盡酒徒
無人問惟有玉山自倒任拍手兒童爭笑一騎乘風
翩然去避魚龍不見波聲悄歌韻遠喚蘓小○神仙
路近蓬萊島紫雲深參差禁樹有烟花遠入世紅塵
西障日百計不如歸好付樂事與它年少費盡柳金
梨雪句問沉香亭北何時召心未愜鬢先老

賀新郎 贈張彦功

劉改之

詞邊卷五

六

曉印霜花步夢半醒扶上彫鞍馬嘶人去嵐濕青絲
雙轡冷緩鞚野梅江路聽画角吹殘更鼓悲壯寒聲
撩客恨甚貂裘重擁愁無數霜月白照離緒○青樓
回首家何處早山遙水闊天低斷腸烟樹誰念天涯
牢落况輕負暖雲濃雨記酒醒香銷時語客裏歸鞦
須早發怕天寒風急相思苦應為我翠眉聚

賀新郎

多病劉郎瘦最傷心天寒歲晚客它鄉又大舸翻
何許至元是高陽舊友便一笑相歡携手為問武昌
城下月定何如楊子江頭柳追往事兩眉鬪○燭花

紙剪明於晝喚青娥小紅樓上殷勤勸酒昵
琵琶
恩怨語春筍輕攏翠袖看舞徹金釵微溜若見故鄉
吾父老道長安市上狂如舊重會面幾時又

念奴嬌自述

知音者少算乾坤許大着身何處直待功成方肯退
何日可尋歸路多景樓前垂虹亭下一枕眠秋雨虛
名相誤十年枉費辛苦○不是奏賦明光獻書北闕
無驚人之語我自匆忙天未許贏得衣裾塵土白壁
堆前黃金買笑付與君為主尊鱸江上浩然明日歸
去

言邊卷五
糖多令 再過武昌

蘆葉滿汀洲。寒沙帶淺流。二十年重度南樓。柳下繫船猶未穩。能幾日、又中秋。○黃鶴斷磯頭。故人曾到不。舊江山都是新愁。欲買桂花重載酒。終不似、少年遊。

水調歌頭 春半

春事能幾許。密葉著青梅。日高花困海棠風。暖想都開。不惜春衣典盡。只怕春光歸去。片點蒼苔。能得幾時好。追賞莫徘徊。○雨飄紅。風換翠。苦相催。人生行樂且須痛飲。莫辭杯。坐則高談。風月醉則恣眠。芳草醒後亦佳哉。湖上新亭好。何事不曾來。

水調歌頭 自述

弓劍出榆塞。鉛槧上蓬山。得之渾不費力。失亦匹如閑。未必古人皆是。未必今人俱錯。世事沐猴冠。老子不分別。內外與中間。○酒須飲。詩可作。指休彈。人生行樂何自催。得鬢毛斑。達則牙旗金甲。窮則蹇驢破帽。莫作兩般看。世事只如此。自有識鴉鳶。

天仙子 初赴省別妾

別酒醺。渾易醉。回過頭來三十里。馬兒不住去。如飛。牽一絃。坐一絃。斷送殺人山共水。○是則青衫終

可喜不道恩情拚得未。雪迷村店酒旗斜。去則是住。則是煩惱自家煩惱你。

沁園春 風雪中欲詣稼軒久寓湖上未能一往

因賦此詞以自解

斗酒彘肩風雨渡江。豈不快哉。被香山居士與林和靖約坡仙等勒駕予回坡。謂西湖正如西子淡粧濃抹。臨照臺二公者皆掉頭不顧。只恁傳杯。○白云天竺去來看金壁崔嵬樓觀開。况一澗縈迂東西水遶兩山南北高下雲堆。逋曰不然。暗香浮動何似孤山先放梅。須晴去訪稼軒未晚。且此徘徊。

劉叔擬

名仙倫廬陵人自號招山有詩集行于世樂章尤為人所矚灸吉州刊本多遺

落今以家藏善本選集

賀新郎 壽王侍郎簡卿

小像停鉦鼓向沙邊柳下維舟慶公初度平盡羣蠻方易鎮此事多應有數柰自古功成人妬君看樂羊中山役任謗書盈篋終無據千載下竟誰與○詩中帶得西山雨指天台鴈蕩歸欵壽鄉深處緩急朝廷須公出更作中流砥柱笑癡騃紛二兒女多少人間不平事有皇天老眼能區處揮玉笋聽金縷

賀新郎 題吳江

重喚松江渡。嘆垂虹亭下銷磨幾番。今古依舊四橋風景。在爲問坡仙甚處。但遺愛沙邊鷗鷺。天水相連。蒼茫外更碧雲去。盡山無數。潮正落日還暮。○十年到此長疑。竚恨無人與共。秋風繪絲。尊縷小轉朱絃。彈九奏。擬致湘妃伴侶。俄皓月飛來烟渚。恍若乘槎河漢上。怕客星犯斗蛟龍怒。歌歎乃過江去。

賀新郎 洪守席上詠牡丹

翠蓋籠嬌面。記當年沈香亭北。醉中曾見。了風流傾國艷。紅紫紛。過眼算好處。何嫌春晚。誰把天香

和曉露倩東風。特地勻芳臉。千萬朵一時遍。○隔花聽取提壺勸。道此花過了。春歸蝶愁鶯怨。挽住東君須醉倒。花底不妨留戀。待喚取笙歌一片。最愛就中紅一朶。似狀元得意。春風殿。還惹起少年恨。

賀新郎 贈建康鄭玉脫籍

鄭玉非娼女。嘆塵緣未了。飄零被春留住。腸斷胭脂坡下路。成甚心情。意緒生怕入梨園。歌舞寂寞陽臺雲。雨散算人間。誰是吹簫侶。空買斷兩眉聚。○新來鏡裏驚如許。暗傷懷。鶯老花殘。幾番春暮。事逐孤鴻都已往。月落千山。杜宇念脩竹。天寒何處不念瑣窓

詩選卷五
并綉戶妾從前命薄甘荆布誰爲作解條主

念奴嬌送張明之赴京西幕

舳艫東下望西江千里蒼茫烟水試問襄州何處是
雉堞連雲天際叔子殘碑卧龍陳迹遺恨斜陽裏後
來人物如君瓌偉能幾○其肯爲我來耶河陽下士
正自強人意勿謂時平無事也便以言兵爲諱眼底
山河樓頭鼓角都是英雄淚功名機會要須閑暇先
備

念奴嬌感懷呈洪守

吳山青處悵長安路斷黃塵如霧荆楚西來行壑遠

北過淮堧嚴扈九塞貔貅三閔虎豹空作陪京固天
高難叫若爲得新忠語○追念江左英雄中興事業
枉被姦臣誤不見翠華移蹕處枉負吾皇神武擊楫
憑誰問籌無計何日寬憂願倚筇長嘆滿懷清淚如
雨

念奴嬌長沙趙帥席上作

西風何事爲行人掃蕩煩襟如洗垂漲蒸瀾都卷盡
一片瀟湘清泚酒病驚秋詩愁入鬢對景人千里楚
宮故事一時分付流水○江上買取扁舟排雲湧浪
直過金沙尾歸去江南丘壑處不用來尋月姊風露

言選卷五
三
盃深芙蓉裳。冷笑傲烟霞。裏草廬如舊。卧龍知爲誰起。

滿江紅題快閣和徐宰韻

快閣東西鷗邊問。晚晴可喜。鷗解語。旣盟之後。兩翁曾倚。笛弄慣聽黃魯直。履聲深識徐淵子。添我來相對。兩忘機。真相似。○也不種閑桃李。也不翫佳山水。有新詩。字字愛民而已。一片心閑秋月外。三年人在春風裏。漲一篙江水。送歸鴻。明朝是。

滿江紅春晚

着意留春留不住。春歸難恋。最苦是梅天。煙雨。麥秋

庭院。嫩竹陰濃鶯出谷。柔柔采盡。蚕成繭。柰沈腰。寬盡。有誰知。難消遣。○幽閣恨。雙眉斂。香牋寄。飛鴻遠。向風簾。羞見一雙歸燕。翠被悶。將情做夢。青樓賺得。恩成怨。對尊前。莫惜喚瓊姬。持盃勸。

木蘭花慢秋日海棠

漸秋空向晚。被風雨。趲重陽。正木落疎林。海棠枝上。忽見紅粧。料應妬它蘭菊。甚年。獨自占秋光。故把春風。嬌面向人。逞艷呈芳。○看來畢竟此花強。祇是欠些香。誚一似當年五陵公子。却厭膏梁。肯來水邊。竹下與幽人相對。說淒涼。只恐夜深花睡。五更微有

清霜

霜天曉角 題蛾眉亭

倚空絕壁直下江千尺天際兩蛾凝黛愁與恨幾時
極○暮潮風正急酒醒聞塞笛試問謫仙何處青山
外遠烟碧

訴衷情 客中

征衣薄 二 不禁風長日雨絲中又是一年春事花信
到梧桐○雲漠 二 水溶 二 去匆 二 客懷今夜家在江
西身在江東

江神子 洪守出歌姬就席口占

華堂深處出娉婷語聲輕笑聲清燕語鶯啼一 二 付
春情恰似洛陽花正發見花好不知名○金甌盛酒
玉纖擎滿盈 二 勸深 二 不怕主人教你十分斟只怕
酒闌歌罷後人不見暮山青

繫裙腰 愁別

山兒轟 二 水兒清船兒似葉兒輕風兒更没人情月
兒明厮合造送行人○眼兒款 二 淚兒傾灯兒更冷
青 二 遭逢着鴈兒又沒前程一聲 二 怎生得夢兒成
詞猥薄而意優柔

永遇樂 春莫有懷

青幄蔽林白氈鋪徑紅雨迷楚晝閣閑愁風簾捲恨
盡日縈情緒陽臺雲去文園人病寂寞翠尊彫俎惜
韶容匆_二易失芳叢對眼如霧○巾歌潤裊衣寬涼
滲又竟漸回驕暑解籜吹香遺丸薦脆小芰浮鴛浦
画欄如舊依稀猶記佇立一鈎蓮步黯銷魂那堪又
聽杜鵑更苦

菩薩蛮 怨別

吹簫人去行雲杳_三。箏翠被都閑了。疊損縷金衣。是
他渾不知。○冷烟寒食夜。淡月梨花下。猶自軟心腸。
爲他燒夜香。

菩薩蛮 怨別

東風去了秦樓畔。一川烟草無人管。芳樹雨初晴。黃
鸝三兩聲。○海棠花已謝。春事無多也。只有牡丹時。
知它歸不歸。辭鄙意濃

嚴次山

名仁樵溪人詞集名清江欸乃杜月
渚爲之序其詞極能道閨闈之趣

賀新郎 寄上官偉長序云扁舟何時下滄灣孤

劍尚客東楚渺二千里寄一曲歌覩物懷人

想見臨風激烈也

蘭芷湘東國正愁予一江紅葉水程孤驛欲寫瀟湘

無限意那得如椽彩筆但滿眼西風蕭瑟我所思兮
何處所在鍾津二上滄湾側誰氏子閨風客○閨風
仙客才無敵賦悲秋抑揚頓挫流離沈鬱百賦千詩
朝復暮解道波濤春力憶共尔乘槎吹笛八表神遊
吾夢見渺洞庭青草烟波隔空悵望楚天碧

賀新郎清浪軒送春

碧浪搖春渚浸虛簷蒲萄滉漾翠綃掀舞委曲經過
臺下路載取落花東去問花亦漂流良苦花不能言
應有恨二十分都被春風誤同此恨有飛絮○人生
聚散元無據休凭欄一尊相對蘋洲春莫嫉色冲二
空悵望淚盡世間兒女君不見千金求賦飛燕婕妤
今何在看粘雲江影傷千古流不去斷菟處

賀新郎送杜子野赴省

說到城南杜侂風流至今人號去天尺五家世聯翩
蒼玉佩自有文章機杼看鳶鳳九霄軒翥文陣堂二
新得雋正少年壯氣虹蜺吐拈彩筆月城去○出關
相送梅千樹雪連空馬蹄特二曉寒人度帝里春濃
花似海催入明光奏賦須快展亨衢闊步隨世功名
真漫浪要平生所學期無負須記得別時語

歸朝懽南劍双溪樓

五月人間揮汗雨離恨一襟何處去雙溪樓下碧千
尋雙溪樓上匏尊舉晚涼生綠樹漁灯幾點依洲渚
莫狂歌潭空月淨慘二瘦蛟舞○变化往來無定所
求劍刻舟應笑汝只今誰是晉司空斗牛奕二紅光
吐我來空吊古與君同記凭欄語問滄波乘槎此去
流到天河否

歸朝懽

壽蕭禹平知縣

雲表金莖珠璀璨當日投懷驚玉燕文章議論壓西
靡風流姓字翔東觀紫皇嗟見晚祥麟五色留金殿
大江西銅章墨綬暫尔煩君縮○十二金釵扶玉盞

錦瑟二撥二隨急管獸爐烟動彩雲高秋聲拍碎紅牙
板趣君歸翰苑萊衣煥爛潘輿穩任方瞳從今看到
弱水波清淺

歸朝懽別意

朱戶綠窓深窈窕閃二華旗紅幹小相逢斜柳絆輕
舟渚香不斷蘋花老西風吹夢草題詩未了還驚覓
獨傷心淒涼故館月過西樓悄○樓外斜河低浸斗
夜已如何夜將曉心期欲寄赤鱗魚秋雲不動秋江
渺相思千里道多情直被無情惱玉臺前請君試看
華髮添多少

嚴次山

詞集卷五

七

水龍吟題連州翼然亭呈歐守

翼然新榜高亭翰林鐵畫燕公手滁陽盛事何人重
繼湟川太守太守謂誰文章的派醉翁賢胄對千峯
削翠雙溪注玉端不減琅琊秀○坐歛清香画戟聽
丁_二滴花晴漏棠陰晝寂細賡賓客竹枝楊柳只恐
明朝綈封趣覲未容借寇佟江山識賞益梅事業煥
青氈舊

水龍吟題天風海濤呈潘料院

飈車飛上蓬萊不須更跨琴高鯉劇然長嘯天風瀕
洞雲濤無際我欲乘桴從茲浮海約任公子辨虹竿

千丈牴鈎五十親點對連鰲餌○誰榜佳名空翠紫
陽仙去騎箕尾銀鈎鐵畫龍拏鳳峙留人間世更憶
東山哀第一曲洒沾襟淚到而今幸有高亭遺愛寓
甘棠意

水龍吟題盱江偉觀

城頭傑觀崢嶸重欄下瞰蒼龍脊鏤珉盤礎彫檀竦
淩玲瓏金碧華子岡頭麻源谷口神仙窟宅道至今
清夜月明風冷常隱_二聞笙笛○翠壁煙霞縹緲更
寒泉飛空千尺數峯江上孤舟天際夕陽紅濕抖擻
征塵浩然長歎跨青鸞翼向鳳崗西望遙醜斗酒酌

文章伯李泰伯墓在鳳皇山下

水調歌頭 上韶州方檢詳時有節制之命

慘淡望京闕慷慨夢天山引杯中夜看劍壯氣刷幽
燕鼉鼓滿天催曙画角連雲歛月吹斷戍鉞烟犀角
赤兔馬虎帳綠熊氈○仗漢節伸大義伐可汗青冥
更下斧鉞赤子要君安鐵騎千羣觀獵宮樣十眉環
座磬礮聽鳴弦莫厭兜鍪冷歸去已貂蟬

木蘭花慢 社日有懷

東風吹霧雨更吹起袂衣寒正莽叢林潭伐鼓
鬱焚蘭闌干曲多少意看青烟如篆遶溪灣桑柘

綠陰猶薄杏桃紅雨初翻○飛花片走潺湲問何
日西還嘆擾人生紛離合渺悲歡想雲駟何
處也對芳時應只在人間惆悵回紋錦字斷腸斜日
雲山

蝶恋花 快閣

傑閣青紅天半倚萬里歸舟更近闌干艤木落山寒
鳧鴈起一聲漁笛滄洲尾○千古文章黃太史捫蝨
高風長照冰壺裏何以薦君秋菊藥癯瓢爲酌西江
水

蝶恋花 春情

院靜日長花氣暖一簇嬌紅得見春深淺風送生香
來近遠笑聲只在秋千畔○目力未窮腸已斷一寸
芳心更逐遊絲亂朱戶對開簾捲半日斜江上春風
晚

鷓鴣天 怨別

一徑蕭條落葉深離腸淒斷月明砧征鴻送恨連雲
起促織驚秋傍砌吟○風悄○夜沈○鶯機坐冷曉
霜侵挑成錦字心相向未必君心似妾心

鷓鴣天 閨思

多病春來事○慵偶因撲蝶到庭中落紅萬疊花經

雨斜碧千條柳因風○深院宇小簾櫳幾年離別恰
相逢擎觴未飲心先醉為有春愁似酒濃

鷓鴣天 別意

行盡春山春事空別愁離恨滿江東三更鼓潤官樓
雨五夜燈殘客舍風○寒淡○曉隴○黃雞催斷丑
時鐘紫騮嚼勒金銜響衝破飛花一道紅

鷓鴣天 惜別

一曲危絃斷客腸津橋挾拖轉牙檣江心雲帶蒲帆
重樓上風吹粉淚香○瑤草碧柳芽黃載將離恨過
瀟湘請君看取東流水方識人間別意長

鷓鴣天 春思

病去那知春事深。流鶯喚起惜春心。桐舒碧葉慳三寸。柳引金絲可一尋。○憐綉閣對雲岑。苦無多力懶登臨。翠羅衫底寒猶在。弱骨離支瘦不禁。

鷓鴣天 閨情

高杏酣 二 出短墻。垂楊裊 二 蘸池塘。文鴛藉草眠春晝。金鯽吹波弄夕陽。○閑倚鏡理明粧。自翻銀葉炷衙香。鳴鞭已過青樓曲。不是劉郎定阮郎。

鷓鴣天 閨情

公子詩成着錦袍。王家桃葉舊妖嬈。檀槽撥急斜金

鴈。絲袖翩跹鞞翠翹。○沈水過。懶重燒。十分濃醉十分嬌。復羅帳裏春寒少。只恐香酥拍漸消。

玉樓春 春思

春風只在園西畔。薺菜花繁胡蝶亂。冰池晴綠照還空。香徑落紅吹已斷。○意長翻恨遊絲短。盡日相思羅帶緩。寶奩 月不欺人。明日歸來君試看。

阮郎歸 春思

鰓花輕拂紫綿香。瓊杯初暖粧。貪凭彫檻看鴛鴦。無心上綉床。○風絮亂。恣輕狂。惱人依舊忙。夢隨殘雨下高唐。悠 二 春夢長。

詞選卷五
三
婆羅門引春情

花明柳暗一天春色繞朱樓斷鴻聲喚人愁欲問鴻
歸何處身世自悠_二正東風留滯楚尾吳頭○追思
舊遊歎雙鬢颯驚秋可惜等閑孤了酒令花籌斷絃
難續謾題詩分付水東流_二不到蓬島瀛洲

醉桃源春景

拍堤春水蘸垂楊水流花片香弄花噤柳小鴛鴦一
雙隨一雙○簾半捲露新粧春衫是柳黃倚欄看處
背斜陽風流暗斷腸

好事近舟行

曉色未分明敲動月邊鼉鼓卯酒一杯徑醉又別君
南浦○春江如席照晴空大舶夾雙櫓腸斷斜陽渡
口正落紅如雨

訴衷情章貢別懷

一聲水調解蘭舟人門無此愁無情江水東流去與
我淚爭流○人已遠更回頭苦凝眸斷魂何處梅花
岸曲小二紅樓

多麗記恨

最無端官樓畫角輕吹一聲來深閨深處把人好夢
驚回許多愁倦教奴受些箇事未必君知淚滴蘭衾

寒生珠幌翠雲撩亂枕頻欹窓兒上幾條殘月斜玉
界羅帷更堪聽霜摧敗葉靜扣朱扉○念別離千里
萬里問何日是歸期閑情處魚來鴈往斷腸是兔走
烏飛美景良辰賞心樂事風流孤負縷金衣謾贏得
花顏玉骨瘦損爲相思歸須早劉郎雙鬢莫遣成絲
一落索春懷

南柯子

清曉鶯啼紅樹又一雙飛去日高花氣撲人來獨自
價傷春無緒○別後暗寬金縷倩誰傳語一春不忍
上高樓爲怕見分携處

菩薩蠻

柳陌通雲徑瓊梳啓翠樓桃花紙薄漬冰油記得年
時詩句爲君留○曉綠千層出春紅一半休門前溪
水泛花流二到西州猶是故家愁

菩薩蠻雙溪亭

征鴻點破空雲碧丹霞染出新秋色返照落平洲半
江紅錦流○風清漁笛晚寸二愁腸斷寄語笛休橫
只消三兩聲

嚴少魯

名參自號三休昭武人

沁園春

自適

曰歸去來歸去來兮吾將安歸但有東籬菊有西園
桂有南溪月有北山薇蜂則有房魚還有穴蟻有樓
臺獸有衣吾應有雲中舊隱竹裏柴扉○人間征路
熹微看處 丹楓白露晞况寒原衰草牛羊來下淡
煙秋水鱸鱖初肥自笑平生頽然骨相只合持竿坐
釣磯都休也對西風無語落日斜暉

沁園春 題吳明仲竹坡

竹焉美哉愛竹者誰曰君子欵向佳山水處築宮一
畝好風煙裏種玉千餘朝引輕霏夕延涼月此外塵
埃一點無須知道有樂其樂者吾愛吾廬○竹之清
也何如應料得詩人清矣乎况滿庭秀色對拈彩筆
半牕涼影伴讀殘書休說龍吟莫言鳳嘯且道高標
誰勝渠君試看正遶坡雲氣似渭川圖

中興以來絕妙詞選卷之五

青邊卷五



